



REPUBLIKA E SHQIPËRISË  
Këshilli i Ministrave

V E N D I M

Nr. 526, datë 23.4.2008

P Ë R

**MIRATIMIN E KONTRATËS SË KONCESIONIT, TË FORMËS  
“BOT”, TË LIDHUR NDËRMJET MINISTRISË SË EKONOMISË,  
TREGTISË DHE ENERJGJETIKËS DHE SHOQËRISË “L.N.K”,  
SHPK, PËR NDËRTIMIN E HIDROCENTRALIT “SLLABINJË”**

Në mbështetje të nenit 100 të Kushtetutës dhe të neneve 21, pika 4, e 27, të ligjit nr.9663, datë 18.12.2006, “Për koncesionet”, me propozimin e ministrit të Ekonomisë, Tregtisë dhe Energjetikës, Këshilli i Ministrave

V E N D O S I :

1. Miratimin e kontratës së koncesionit, të formës “BOT” (Ndërtim, Operim dhe Transferim), të lidhur ndërmjet Ministrisë së Ekonomisë, Tregtisë dhe Energjetikës, si autoriteti kontraktues, dhe shoqërisë “L.N.K”, shpk, për ndërtimin e hidrocentralit “Sllabinjë”, sipas tekstit dhe anekseve, që i bashkëlidhen këtij vendimi.
2. Ngarkohet Ministria e Ekonomisë, Tregtisë dhe Energjetikës për zbatimin e këtij vendimi.

Ky vendim hyn në fuqi pas botimit në “Fletoren zyrtare”.

K R Y E M I N I S T R I



SALI BERISHA

MINISTRI I EKONOMISË,  
TREGTISË DHE ENERJGJETIKËS

GENC RULLI




REPUBLIKA E SHQIPERISE  
ZYRA E NOTERISE TIRANE

NR. 2326 Rep.  
NR. 664 Kol.



## KONTRATE KONÇESIONI



### E FORMES "BOT" (NDERTIM - OPERIM - TRANSFERIM) PER NDERTIMIN E HIDROCENTRALIT "SLLABINJE"

Ne Tirane, me date 11.04 2008 (dy mije e tete), para meje notere Dimitris, e regjistruar ne Dhomen e Noterise Tirane, me adrese Rishta u paraqiten palet kontraktuese si me poshte:

Ministria e Ekonomise, Tregtise dhe Energjetikes percaktuar si "AUTORITET KONTRAKTUES" me Vendimin e Keshillit te Ministrave nr.307, date 25.5.2007 "Per percaktimin e autoritetit kontraktues per ndertimin me koncesion te hidrocentralit "Sllabinje" dhe miratimin e bonusit, ne proceduren perzgjedhese konkruuese, qe i jepet shoqerise", qe me poshte do te quhet i tille, perfaqesuar nga Z. Kristo RODI, i biri i \_\_\_\_\_, madhor dhe me zotesi te plote juridike e per te vepruar, per identitetin e te cilit u sigurova nga leternjoftimi

#### DHE

Shoqeria "L.N.K." Sh.p.k, regjistruar si person juridik me Vendimin Nr.24244, dt.31.07.2000, te Gjykates se Rrethit Tirane; qe me poshte do te quhet "Koncesionari", perfaqesuar nga administratori Z. Naimir Kurti, banues ne \_\_\_\_\_ per identitetin e te cilit u sigurova nga \_\_\_\_\_ madhor dhe me zotesi te plote juridike per te vepruar.

#### Hyrje

Duke patur parasysht qe Qeveria e Shqiperise:

- I ka dhene nje rol prioritar prodhimit, transmetimit dhe shperndarjes se energjise elektrike nepermjet ndertimit te hidrocentraleve te rinj, ose rehabilitimit te hidrocentraleve ekzistuese me ane te procedurave te koncesionit, per permiresimin e treguesve teknike dhe ekonomike te rrjetit elektrik kombetar;
- Konsideron ndertimin e hidrocentraleve si nje element te rendesishem te politikes se zhvillimit te sektorit te energjise;
- Vlereson formen "BOT" te koncesionit, si nje forme koncesioni qe ben te mundur stimulimin e investitoreve private per ndertimin e hidrocentraleve te rinj me anen e kapitalit privat;
- Eshte e angazhuar per krijimin dhe zhvillimin e tregut te brendshem te energjise elektrike brenda vendit;
- Mirepret investitoret vendas ose te huaj ne ndertimin e kapaciteteve te reja prodhuese te energjise elektrike;
- Me anen e legjislacionit ne fuqi, rregullon dhenien me koncesion te hidrocentraleve dhe me Vendimin e Keshillit te Ministrave nr.307, date 25.5.2007 "Per percaktimin e autoritetit kontraktues per ndertimin me koncesion te hidrocentralit "Sllabinje",

autorizohet Ministria e Ekonomise, Tregtise dhe Energjetike per negocimin dhe nenshkrimin e Kontrates se Koncesionit.

Si dhe:

### Koncesionari

1. Eshte i interesuar te investoje ne ndertimin e hidrocentralit "Sllabinjë", ne komunen Proptisht, rrethi Pogradec, me qellimin prodhimin e energjise elektrike dhe rritjen e sigurise te furnizimit me energji elektrike te zones;
2. Shoqeria "L.N.K." zoteron kapacitetet e nevojshme tekniko-financiare, per te realizuar projektin e miratuar sipas objektit te kesaj marreveshje;
3. Ka kryer studimin tekniko-ekonomik dhe mjedisor per ndertimin dhe shfrytezimin e hidrocentralit "Sllabinjë", objekt i ketij koncesioni;
4. Zoteron aftesite drejtuese, financiare dhe teknike te kerkuara si dhe aftesite per te plotesuar kete iniciative ne perputhje me standartet nderkombetare.

Palet bien dakord per sa vijon:

### Neni 1 Perkufizime

Termat e meposhtem, kudo qe perdoren ne kete kontrate, kane kuptimet qe jepen ne vijim:

- 1.1 **Kontrate Koncesioni** : Eshte kjo kontrate dhe anekset 1 dhe 2 bashkelidhur.
- 1.2 **Autoriteti Kontraktues**: Ministria e Ekonomise, Tregtise dhe Energjetikes.
- 1.3 **Koncesionari**: Shoqeria "L.N.K.", me seli ne qytetin e Tiranes.
- 1.4 **Hidrocentral**: Teresia e objekteve qe sherbejne per prodhimin e energjise elektrike, ku perfshihen vepra e marrjes, kanali i devijimit, bazeni i presionit, tubacioni qe dergon ujin ne turbina, ndertesa e centralit se bashku me makinerite dhe pajisjet e intaluar ne te, qe ne rastin konkret eshte Hidrocentrali "Sllabinjë", komuna Proptisht, rrethi Pogradec, me fuqi te instaluar 9,300 kW dhe prodhim te energjise elektrike rreth 50,000,000 kWh, se bashku me te gjitha objektet qe permenden me siper.
- 1.5 **Kontratat e siper marrjes**: Te gjitha kontratat e nenshkruara nga Koncesionari me sipermarresit per kryerjen e punimeve;
- 1.6 **Tarifa koncesionare**: Sasia e energjise elektrike qe i ofrohet pa pagese shtetit.
- 1.7 **Projekt-ide**: Dokumentacioni teknik e ekonomik per planifikimin, financimin, projektimin, ndertimin, shfrytezimin, mirembajtjen dhe transferimin e hidrocentralit;
- 1.8 **Projekti i Zbatimit**: Projekti i detajuar inxhinierik, i cili permban parametrat, karakteristikat dhe specifikimet perfundimtare te hidrocentralit.

## Neni 2 Objekti i Konçesionit

Objekti i kesaj kontrate konçesioni eshte ndertimi, shfrytezimi dhe transferimi i hidrocentralit tek Autoriteti Kontraktues, konform termave te kesaj kontrate.

## Neni 3 Afati i Konçesionit

Autoriteti Kontraktues i jep Konçesionarit me konçesion te formes BOT, hidrocentralin "Sllabinje" për një periudhë 35 vjeçare.

Një vit para përfundimit të kësaj periudhe, palët me vullnet të përbashkët mund të zgjasin afatin e kësaj kontrate, kur vlerësohet se, nga ana e Konçesionarit janë përmbushur me korrektësi të gjitha detyrimet dhe Autoriteti Kontraktues e konsideron me interes vazhdimësinë e kontratës.

Kjo periudhë do të fillojë nga hyrja në fuqi e kësaj Kontrate.

## Neni 4 Detyrimet e Autoritetit Kontraktues

Autoriteti Kontraktues merr persiper detyrimet e meposhtme:

- 4.1 Te asistojë konçesionarin prane çdo institucioni, organi a agjencie shteterore, qendrore a vendore, kur eshte e nevojshme, per marrjen e licensave, autorizimeve dhe lejeve qe do t'i sherbejne per ekzekutimin e punimeve dhe implementimin e kesaj kontrate.
- 4.2 Te garantojë konçesionarin se nuk do te lidhe asnje marreveshje tjeter qe mund te demtojë a pengojë prurjet ditore, stimore ose vjetore ne hidrocentral.
- 4.3 Te kontrollojë rregullisht ecurine e kontrates, sipas kushteve te percaktuara ne te.
- 4.4 Te garantojë blerjen e energjise elektrike nga shoqeria KESH sh.a. per 15 vitet e para te prodhimit te energjise elektrike, me cmimin sipas formulese se percaktuar ne Vendimin e Keshillit te Ministrave nr.27, date 19.01.2007.
- 4.5 Te miratojë Projektin e Zbatimit te Hidrocentralit. Koha e nevojshme per miratimin e Projektit të Zbatimit nuk ben pjese ne grafikun e punimeve te parashikuar ne Aneksin 2, bashkëlidhur.

## Neni 5 Detyrimet e Konçesionarit

5.1 Konçesionari eshte i detyruar te zbatojë Projektin dhe objektin e Kontrates ne perputhje me kushtet dhe afatet e parashikuara ne kete kontrate.

5.2 Konçesionari eshte i detyruar:

- a. Te formojë brenda 30(tridhjete) ditesh nga nenshkrimi i kesaj kontrate shoqerine konçesionale, qe do te kete si objekt te veprimtarise se saj hartimin e projektit zbatimit, ndertimin, shfrytezimin dhe transferimin e hidrocentralit tek Autoriteti Kontraktues pas përfundimit e afatit te konçesionit. Shoqeria konçesionale do t'i nenshtrohet te gjitha dispozitave ligjore, qe rregullojne veprimtarine e shoqerive tregtare ne Shqiperi, si dhe

ne rast transferimi te aksioneve apo pjeseve te kapitalit te saj tek te tretet, duhet te marre pelqimin me shkrim te autoritetit kontraktues.

- b. Te zbatoje punimet dhe planin e investimit sipas Aneksit nr.1 bashkelidhur kesaj kontrate
- c. Te kryeje investimin sipas afateve te parashikuara ne kete kontrate dhe ne cilesine e kerkuar.
- d. Te filloje punen brenda 30 ditesh nga data e miratimit te projektit te zbatimit.
- e. Te menaxhoje dhe administroje hidrocentralin gjate gjithë periudhes se koncesionit.
- f. Te perballoje shpenzimet qe lidhen me demet qe mund t'i shkaktohen paleve te treta per faj te vet.
- g. Te informoje Autoritetin Kontraktues per çdo rrethane qe mund ndikojë ne zbatimin e projektit te zbatimit.
- h. Te zbatoje legjislacioni shqiptar ne fuqi gjate ushtrimit te veprimtarise se saj.
- i. Te marra masa per te garantuar kushtet e sigurimit ne pune per punetoret dhe personat e tjere, per te shmangur demet ndaj prones publike dhe private, si dhe te respektojë te respektojë legjislacionin ne lidhje me parandalimin e demeve a fatkeqesive ne pune
- j. Te paguaje te gjitha shpenzimet per publikimet e bera, si dhe shpenzimet noteriale.
- k. Te paraqese prane Autoritetit Kontraktues projektin e zbatimit sipas grafikut te punimeve, te parashikuara ne Aneksin nr. 2, bashkelidhur.  
Te zbatoje projektin e zbatimit per ndertimin e Hec-it "Sllabinjë".

## Neni 6

### Vleresimi i Investimeve

- 6.1 Vlera e investimeve qe duhet te kryhet nga koncensionari (sipas aneksit 1), eshte ne vleren totale 1,290,117,487 (njemiliard e dyqindenentedhjetmilion e njeqindeshatembedhjetmije e katerqindetetedhjeteshtate) leke, nga te cilat 620,003,100 (gjashteqindenjzetmilion e tremije e njeqind) leke do te investohen ne makineri e pajisje.
- 6.2 Vlera e mesiperme mund te pesoje ndryshime me marreveshje ndermjet paleve:
- pasi te jete paraqitur Projekti i Zbatimit;
  - ne çdo kohe gjate zbatimit te projektit ne ndertimin e vepres, sipas efektivitetit te ofertave.
- 6.3 Vlera e ndryshuar e investimit mund te jete me e madhe se 1,290,117,487 (njemiliard e dyqindenentedhjetmilion e njeqindeshatembedhjetmije e katerqindetetedhjeteshtate) leke, por jo me e vogel se 1,225,611,612 (njemiliard e dyqindenjzetepesemilion e gjashteqindenjembedhjetmije e gjashteqindedymbedhjetete) leke, qe perfaqeson nje ndryshim te investimit ne vleren 5% te investimit total te parashikuar.

## Neni 7

### Programi i Punimeve

Koncesionari merr persiper te zbatoje programin e meposhtem te punimeve :

- 7.1 Koncesionari merr persiper te vere ne pune hidrocentralin brenda 18 (tetembedhjetete) muajve uga marrja e lejes se ndertimit, por jo me vone se 24 (njetetekater) muaj nga miratimi i kesaj kontrate.

- 7.2 Ky afat mund të ndryshojë me marrveshje midis paleve, nëse marrja e lejeve nga institucionet perkatese vonohet pertej kohes së rregullt procedurale për marrjen e tyre.

### Neni 8 Zgjidhja e Kontrates së Konçesionit

- 8.1 Autoriteti Kontraktues ka të drejtë të kërkojë zgjidhjen e kësaj kontrate në mënyrë të njëanshme:
- a) Kur konçesionari nuk fillon punë brenda 6 muajve nga data e miratimit të projektit të zbatimit;
  - b) Në rast të mosrealizimit të fuqisë së vendosur mbi 10 % të asaj sipas projekt-zbatimit të propozuar nga konçesionari;
  - c) Kur konçesionari transferon kuotat ose kapitalin pa marrë miratimin e Autoritetit Kontraktues.
- 8.2 Kur Autoriteti Kontraktues konstaton, se gjatë afatit të konçesionit, ka shkelje të detyrimeve, kushteve dhe afateve të parashikuara në këtë kontratë, Autoriteti njofton për këtë konçesionarin, duke i kërkuar këtij të japë arsyet për shkeljet e konstatuara brenda një periudhe prej 30 ditësh. Në rast se brenda këtij afati konçesionari nuk pergjigjet, Autoriteti Kontraktues ka të drejtë të zgjidhë këtë kontratë.
- 8.3 Në rast se Autoriteti Kontraktues zgjidh kontratën në mënyrë të njëanshme (pika 8.1 e këtij neni), Autoriteti Kontraktues ka të drejtë të marrë vlerën e garancisë së kontratës. Autoriteti Kontraktues ka të drejtë të marrë persiper, perkohesisht administrimin e Hec-it, për sigurimin e një shërbimi efektiv dhe të panderprere dhe, në rastin e deshtimit të konçesionarit, të përmbushë detyrimet e tij kontraktuale dhe të deshtimit të tij, për të rregulluar shkeljen e kontratës.
- 8.4 Secila palë, ka të drejtë ta zgjidhë kontratën kur:
- a) përmbushja e detyrimeve bëhet e pamundur, për shkak të rrethanave që kanë qenë jashtë kontrollit të arsyeshëm të secilës palë;
  - b) ka shkelje serioze nga njëra palë, shkelje e cila nuk mund të korrigjohet brenda afatit kohor dhe sipas mënyrës së parashikuar në këtë kontratë.
- 8.5 Palët kanë të drejtë ta zgjidhin këtë kontratë me pëlqim të dyanshëm.

### Neni 9 Kontratat

- 9.1 Me qëllim që të realizohet objekti i konçesionit, Konçesionari ka të drejtë të lidhë kontrata siper marrjeje. Në lidhjen dhe nënshkrimin e kontratave të siper marrjes me nenkontraktoret, Konçesionari është i detyruar të respektojë kushtet e kësaj Kontrate.

9.2 Pavaresisht nga kontratat e sipermarrjes, Konçesionari mbetet pergjegjes para Autoritetit Kontraktues per zbatimin e rregullt te ketyre kontratave te sipermarreve. Me perjashtim te detyrimeve qe ka sipas kesaj Kontrate, Autoriteti Kontraktues nuk merr persiper asnje detyrim kundrejt sipermarresve, furnizuesve dhe te treteve. Autoriteti Kontraktues ka te drejten, por jo detyrimin, te nderhyje ne çdo kontrate te koncesionarit.

9.3 Koncesionari nuk ka te drejte ta jape kontraten e koncesionit me nenkoncesion.

#### **Neni 10 Garancite**

10.1 Koncesionari duhet te garantoje, per llogari te autoritetit kontraktues, (sipas formularit te paraqitur ne dokumentet e tenderit) para firmosjes se kontrates, nje shume te barabarte me 10% te vleres totale te investimit prej 129,011,749 (njeqindenzetenentemilion e njembdhjetemije e shtateqindedyzetenente) leke.

10.2 Koncesionarit i lejohet te ç'ngurtesoje kete vlere vetem pasi te kete marre konfirmimin nga Autoriteti Kontraktues, brenda 30 diteve nga realizimi i investimit dhe venia ne pune e te gjithve vepres.

#### **Neni 11 Sigurimet**

11.1 Konçesionari siguron hidrocentralin gjate gjithve afatit te koncesionit dhe nje kopje te polices se sigurimit e depoziton çdo vit prane Autoritetit Kontraktues.

11.2 Ne rast se hidrocentrali shkaterrhet ose demtohet per shkaqet per te cilat ai eshte siguruar, zhdemtimet financiare qe vijne nga siguracionet do te perdoren nga Konçesionari per te rindertuar, riparuar, dhe rikthyer hidrocentralin ne gjendje e meparshme perpara shkaterrimit ose demtimit.

11.3 Koncesionari duhet te sigurohet per pergjegjesine per demet materiale dhe fizike qe mund t'u shkaktohen paleve te treta, si rrjedhoje e punimeve te ndertimit/montimit te hidrocentralit, si dhe gjate shfrytezimit te tij.

11.4 Sigurimi i objkteve do te kryhet per kufij pergjegjesie jo me te ulet se 200 000 (dyqindmije) Euro per çdo ngjarje, deri ne 500 000 (peseqindmije) Euro ne vit. Pjesa e zbritshme nuk mund te jete me e larte se 1000 (njemije) Euro per çdo ngjarje dhe 2000 (dymije) Euro ne vit.

11.5 Autoriteti Kontraktues do te shenohet si i bashkesiguruar ne te gjitha kontratat e sigurimit.

#### **Neni 12 Kontrolli, Raportimi, Inspektimet dhe Mbikqyrja e Pergjithshme**

12.1 Autoriteti Kontraktues ka te drejte te kontrolloje Konçesionarin gjate gjithve afatit te koncesionit.

- 12.2 Autoriteti Kontraktues ka te drejte qe ,gjate fazes ndertimit te hidrocentralit te inspektoje dhe kontrolloje punimet per te pare permbushjen e kushteve dhe afateve te percaktuara ne kete Kontrate.
- 12.3 Konçesionari raporton me shkrim cdo tyre muaj tek Autoriteti Kontraktues per realizimin e programit te punimeve(investimeve), ne vlere dhe ne natyre,dhe pas fillimit te shfrytezimit, çdo gjashte muaj per ecurine e projektit sipas kushteve te kontrates konesionare.
- 12.4 Autoriteti Kontraktues ka te drejte te mbikeqyre ecurine e punimeve dhe cilesine e kryerjes se tyre, nese jane ne perputhje me programin e punimeve dhe me dokumentacionin e Projektit perfundimtar.
- 12.5 Ne rast te shkeljeve te Kontrates, konstatuar gjate kontrollit te pergjithshem, Konçesionari do te njoftohet me shkrim per masat qe do te merren dhe detyrat qe do t'i lihen, si dhe menyren dhe afatet e zbatimit te tyre.

### **Neni 13**

#### **Tarifa koncesionare dhe vlere e riinvestimit**

- 13.1 Tarifa koncesionare eshte 3.5 % e energjise se prodhuar,te cilen Autoriteti Kontraktues ka te drejte ta shese kete sasi energjie per llogari te tij.
- 13.2 Vlere e riinvestimit eshte 70 % e vleres se investimit per makinerite dhe pajisjet. Kjo vlere do te investohet çdo 15 vjet dhe do te aktualizohet sipas indeksit te inflacionit.

### **Neni 14**

#### **Legjislacioni i zbatueshem**

Zbatimi dhe interpretimi i kesaj Kontrate Konçesioni do te bazohet ne legjislacionin shqiptar ne fuqi.

### **Neni 15**

#### **Forca Madhore dhe të paparashikuara**

- 15.1 Konsiderohen ngjarje te Forces Madhore katastrofat e natyres, permytjet, termetet,thatesira, lufta dhe nderhyrja e paleve te treta qe kane fuqine e ligjit dhe çdo ngjarje tjeter e njejte ,qe mund te ndikojne ne permbushjen e kesaj Kontrate, si dhe te detyrimeve reciproke qe papashikohen ne kete Kontrate, qe nuk varen nga vullneti i paleve ose qe nuk kane te bejne me vullnetin e tyre.
- 15.2 Ne rast se verifikohen vonesa ne realizimin e kesaj Kontrate ose mospermbushje te detyrimeve te Paleve, si pasoje e ngjarjeve te Forces Madhore, vonesat ose mospermbushje nuk mund te sherbejne si baze per çdo pale per te kerkuar zhdemtim nga pala tjeter.



15.3 Kur nje detyrim i kesaj Kontrate nuk do te zbatohet ose permbushet si rezultat i Forces Madhore, pala e demtuar njofton me shkrim palen tjeter, brenda 30 diteve, shtyrjen e afatit te punimeve ose braktisjen e tyre, si dhe/ose masat qe do te merren per kapercimin e pasojave.

15.4 Afati i nderprerjes se punimeve dhe shtyrja ne kohe e tyre ,do te percaktohen nga palet ne nje procesverbal menjehere pas ndodhjes se ngjarjes se Forces Madhore.

#### Neni 16

##### Hyrja ne fuqi e Kontrates se Konçesionit

Kontrata e Konçesionit do te hyje ne fuqi mbasi te jete miratuar nga Keshilli i Ministrave te Republikes se Shqiperise, ne perputhje me Ligjin Nr.9663, date 18.12.2006 "Per konçensionet".

#### Neni 17

##### Zgjidhja e Mosmarreshjeve

17.1 Çdo kundërshti, mosmarrëveshje apo ankesë midis palëve kontraktuese që lind ose ka lidhje me zbatimin dhe interpretimin e kësaj Kontrate Konçesionit, do të zgjidhet me mirëkuptim midis tyre duke u bazuar në vullnetin e mirë.

17.2 Kur me gjithë përpjekjet e palëve nuk arrihet një konsensus i përbashkët, kompetente për zgjidhjen e çdo mosmarrëveshje që lidhet me këtë Kontratë Konçesionit, do të jetë Gjykata e Arbitrazhit që do të krijohet dhe funksionojë sipas parashikimeve të neneve 400 e vijues të K.Pr.Civile të Republikës së Shqipërisë.

17.3 Fillimi apo vazhdimi i negociatave për zgjidhje me dialog, apo i procedurave gjyqësore/të arbitrazhit nuk do të pezullojë zbatimin e projektit sipas objektit të kontratës dhe nuk do të çlirojë palët nga detyrimet e marra përsipër me anë të kësaj Kontrate

#### Neni 18

##### Sanksionet

Mos respektimi i afateve dhe kushteve te kesaj Kontrate, ne perfundim te periudhes 18 (tetembedhete) mujore penalizon koncensionarin si me poshte:

- a) Per shkelje te afatit te ndertimit 0,05 % ne dite te vleres te investimeve te munguara.
- b) Per moskryerje te investimeve ne vleren e marre persiper ne konkurim, koncensionari penalizohet me 10 % te vleres te investimeve te parealizuara.
- c) Per cdo dite vonese per fillimin e punimeve penalizohet me 10 000 leke.

- d) Ne rast mosrealizimi, per faj te koncesionarit, te prodhimit te energjise elektrike prej 50,000,000 KWh/vit, koncesionari penalizohet me 5% te vleres se prodhimit te parealizuar per periudhen raportuese.
- e) Per mosrealizim deri ne 10% te fuqise se vendosur sipas projektit te propozuar nga koncesionari, ai do te penalizohet me 5% te vleres se prodhimit te energjise elektrike te munguar, si pasoje e zvogelimit te fuqise se instaluar.
- f) Ne se mosrealizimi i fuqise se vendosur eshte me shume se 10 % te fuqise se vendosur sipas projektit te propozuar nga koncesionari, Autoriteti Kontraktues ka te drejte te prishe kontraten ne menyre te njeanshme.

#### Neni 19

#### Bashkepunimi midis Autoritetit Kontraktues dhe Koncesionarit

19.1 Autoriteti Kontraktues dhe Koncesionari zotohen me vullnet te plote te bashkepunojne per realizimine plote te kesaj Kontrate.

19.2 Korrespondenca do te dergohet me leter me poste ,telegram ose faks, ne adresat perkatese

19.3 Per çdo ndihme qe do t'i kerkoje Autoritetit Kontraktues, ne zbatim te detyrimeve qe rrjedhin nga kjo Kontrate, Koncesionari i paraqet Autoritetit kerkesa me shkrim.

#### Neni 20

#### Transferimi i Aseteve

Me mbarimin e kesaj Kontrate, qofte si perfundim i afatit te zakonshem ose si nje mbarim i parakohshem i saj, asetet e Koncesionit, perfshire çdo ndertese apo impiant te ndertuar nga Koncesionari ne kantjerin e Koncesionit, i transferohen Autoritetit Kontraktues, ti lire nga ndonje detyrim, objekt i afateve dhe kushteve te kesaj Kontrate Koncesionare

#### Neni 21

#### Rregjistrimi i Hidrocentralit

Brenda 30 diteve nga hyrja ne fuqi e saj, kontrata duhet te rregjistrohet ne rregjistrin e pasurive te paluajtshme ne emer te Autoritetit Kontraktues.

**AUTORITETI KONTRAKTUES**

**KONCESIONARI**

Ministria e Ekonomise, Tregtise dhe Energjetikes

Shoqeria "L.N.K." Sh.p.k.

Perfaqesuar me Autorizimin Nr.1822/26,  
date 11.12.2007 te

Perfaqesuar nga Naimir Kurti

Ministrit te Ekonomise,  
Tregtise dhe Energjetikes,

Nga Z. ~~Kristo~~ RODI

Drejtor i Drejtorise Pergjithshme Rregullatore